


www.BibleForChildren.org

Za 14




« Keelaanu lulë ba yi lusweenu, lwe baanu lufyaatu mu Nzaambi i lwe baanooso yivaandi lufyaatu mu miinu. Biikë bike bimpaapë ku n'zo Tataami, ningë lyaawu lisyë beelë boobo kuve nkanë miinu, yisyë lukaambë kwe? Ti yake lubelikilë biikë fanë lun'kalilë. »




« Bunë miinu yin'kwendë mu kulubelikilë biikë, i
miinu yin'vutukë mu kuluboongë, bwiinji luba yaami,
yiviinu fo yikeeli. »




Miinu Za, mwaaniinu nguli, wubundënë dedë
mweekë yi beeno mu Yeesu, yilë ndinkwiinu
mu mënyoni, mu Lwaangu i lutatumunu.




Miinu yinatu kucitumbë ci Patëmoosë mu cibilë
ci lusulëmë Iwaami mu libuungu li Nzaambi i
mu cyelikë ci luzabikini Yeesu.




Kususukulë abu, Ciluunzi cisë kum'pwaatë.
Faawu, ku yilu, fabë ntaanzi. Fë ntaanzi be
yooyo wun'viipë wubyaalë.



Miinu yisë kuwu yivaandi bivaanji byooso bike ku yilu,
fë n'toto, kusi n'toto i mu m'bu - bivaanji byooso bi
buloongo n'viipë - bilëyolaangë :
« Ke wunë wubyaalë fë ntaanji i
ke Mwaanë Limemë wutambulë
ludumu, luzanjiku, bumpumu i
luleendo mu
ntaangu syakë
syooso! »




Yisë moonë livulë li saantu Yelusaleemë yimoonë
yilëkulumukaangë lu yilu, yifilu ke Nzaambi,
yibelëminë buke n'cyeetu wamiingë mu ludyengunu
lu n'nunyaandi.



Miinu yisë kuwu mbeembu nkamu yifuminë fë ntaanji
i yilëtubë : « Buyifanwabu n'lalulu Nzaambi weekë fë
meeyi baatu! Naandi mba wun'lembikilë yimunë
baawu i baawu bëm'ba mboongwaandi.


Nzaambi naveekë
wum'ba yimunë
baawu, wum'ba
Nzaambyaawu. »



Yaanzi wusë kun'deesi yivaandi mwiilë masi më
luziingu, wulë lesikë buke kilistaalë i wulëbasikaangë
fë ntaanji Nzaambi i Mwaanë Limemë.



Livulë likeeli ko tesu muunyi keti ngoondi mu kubakë cyeseesë, cibilë bumpumu bu Nzaambi bulë mu kun'vaanë cyeseesë i Mwaanë Limemë mwiindaandi.



Kasi cin'velë ve
cikaambu kulyoomë
cin'kotë mu livulë be
lyooli, keti muutu ve
wuyivandikë mu
simpaandu i lupuutu.
Mba bën'kotë tokë
banë lizinë lisonëmë
mu libuuku li luziingu,
linë likeeli Mwaanë
Limemë.




« Naandi mba wun'fyoone
lyosuku lisweele li meeso
maawu. Fisä be ba lufwa ko,
keti cifwiili, keti lwaambu keti
lusweenu. Licyelikë, maambu më
ntamë mën'zimbilë. »




Fisë be ba ko cin'velë cim'ba mu lusifu lu Nzaambi.
Ntaanji Nzaambi i Mwaanë Limemë yim'ba fë livulë,
biseelu bi Nzaambi mba bëkun'kuundë. Baawu
bëm'monë ciinyi cyaandi i lizinë Iyaandi bën'sonikë
fë simbuunzu syaawu.



Yisë monë baatu bëfwa, békuluutu i bibabanë,
bëtelëmë fë ntwaalë ntaanji. Mëbuuku misë zibukë.
Libuuku lin'ka yivaandi lisë zibukë : libuuku li luziingu.
Bëfwa bëbëfundisi mu manë bëvaangë, bo bësonikë
mu mëbuuku. Wosuku wukaambu lizinë
lyaandi bësonikë mu libuuku li luziingu,
wulaku mu liyaangë li mbaasu.



Ciluunzi i N'kamë bëlë mu kutubë : « Yisë! » Wunë
wun'kuwu lyalyooli kutubë yivaandi : « Yisë! » Wunë
wuke yi mpwiilë kwiisë. Wunë wun'toombë masi më
luziingu kwe mëtambulë buunë.



Cibilë Nzaambi wuzolë buloongo
n'viipë, wuvaanë mwanaandi
mweekë vwiili mu kuba wunë
wun'ta lyaanë mu naandi wuleembu
kunyambëkënë kasi wubakë
luziingu lu sakë yi sakë.



Loomë 3:23 bakë booso bësumukë i baawu bakwakënë fë bumpumu bu Nzaambi.

Loomë 6:23 Cibilë lifutë lin'vaanë lisumu mati lufwa. Kasi likabu lin'vaanë Nzaambi libuunë, mati luziingu lu sakë yi sakë mu lubundunu lwiitu yimunë Kliistu Yeesu Fumwiitu.

Ebele 9:27 Wosuku muutu lumoonyi wuvangunu mu kufwa vyaasi mweekë i wufundusu ke Nzaambi.

Efeesë 2:8,9 Mati mu cibilë ci muulë wu Nzaambi mwaawu beeno luvukilë, mu mëkanë më ciminu. Luvukulu be loolo lusye fuminë ke beeno ko, kasi lwaawu likabu li Nzaambi. Lyaawu lisyë luveewu ko mu mëngolo luvangisi i bwaawu muutu ve wum'podi kuyituunvi.



Loomë 10:9,10 Ningë ti mu munwaaku wulë mu kusioninë
fëke bakë booso ti Yeesu wuli Fumu i ningë njeeyi wun'ta
lyaanë mu n'timaaku wooso ti Nzaambi wun'vulumunë mu
bëfwa, njeeyi wun'vuukë. Cibilë mu n'timë, mwaawu
bëkun'teelë maanë i Nzaambi wun'vangisyaangë
kusulëmë muutu wo wacikunë, mati mu munu tun'sisiminë
i Nzaambi wun'vuuci wunë wun'vangilë kati obo.

Za 3:16,17 Cibilë Nzaambi wuzolë buloongo n'viipë,
wuvaanë mwanaandi mweekë wwiili mu kuba wunë wun'ta
lyaanë mu naandi wuleembu kunyambëkënë kasi wubakë
luziingu lu sakë yi sakë. Nzaambi sye filë mwanaandi mu
buloongo ko mu kubufundisi, kasi mu
kubuvuuci mu naandi.



1 Za 5:11-13 Talaanu cimbaanji aci : Nzaambi watuvaanë luziingu lu sakë yi sakë i luziingu beenë luveewu mu Mwanaandi. Wunë wuke yi Mwaanë ke yi luziingu, wunë wukaambu Mwaanë Nzaambi, wukeeli yi luziingu ko. Miinu yalusonikinë bwiinji luzaabë ti beeno lwabakë luziingu lu sakë yi sakë, beeno lwata maanë mu lizinë li Mwaanë Nzaambi.



Za 14; 2 Koleentë 5; Luzabukunu 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Vili Civili NT (vif) © 2019, Wycliffe Bible Translators,
Inc. and © Alliance Biblique du Congo. All rights reserved.

<https://www.bible.com/en-GB/bible/2987/MAT.1.NTVIL>

©2025 Bible for Children, Inc.

www.M1914.org

www.bibleforchildren.org

